

---

**AKT – THEMELIMI**  
**I SHOQËRISË ME PËRGJEGJËSI TË KUFIZUAR**  
**"MASHA EDR" SH.P.K**

Sot në Tiranë, më datë 04.11.2020, hartuan dhe nënshkruan këtë akt-themelimi (në vijim referuar si "**Akti i Themelimit**"), palët e mëposhtme:

**-Shoqëria "M.I.A" Sh.p.k**, person juridik i së drejtës shqiptare, regjistruar në regjistrin tregtar në QKB me date 17.09.2013, me kod fiskal NIPT L32117002H, me seli në Lundër, prapa Qendrës Tregtare Teg, Zona Kadastrale Nr.2529, Nr. Pasurie 560/10, Tiranë, Shqipëri, përfaqësuar nga Administratori **Z. Florjan Mumajesi**, i datelindjes 23.08.1982, lindur dhe banues në Tiranë, madhor dhe me zotësi të plotë për të vepruar, identifikuar nga letërnjoftimi elektronik me nr. personal I20823122B.

**-Z. Andon Hidersha**, shtetas shqiptar, lindur në Rehovicë, Skrapar, Shqipëri, më datë 21.03.1987, banues në Lagja Garunj, Liqeni i Thatë, Tiranë, Shqipëri identifikuar nga letërnjoftimi elektronik me Nr. Personal I70321070R;  
(në vijim së bashku referuar si "**Themeluesit**").

*Themeluesit janë me zotësi të plotë juridike dhe për të vepruar. Me vullnetin e tyre të lirë dhe të plotë ata ranë dakort me hartimin e këtij Akti Themelimi, në përputhje me legjislacionin shqiptar, sipas kushteve të mëposhtme.*

**PREAMBULA**

Duke marrë në konsideratë se ne, Themeluesit, duam të ushtrojmë veprimtari ekonomike dhe kemi për qëllim arritjen e objektivave ekonomike të përbashkët, duke dhënë dhe bashkuar kontributet tona në një shoqëri tregtare me përgjegjësi të kufizuar, me qëllimin final për të prodhuar dhe ndarë përfitim ekonomik.

Ne, të nënshkruarit, **Shoqëria "M.I.A" shpk**, identifikuar nga ekstrakti i regjistrin tregtar, përfaqësuar nga Administratori **Z. Florjan Mumajesi** identifikuar nga Letërnjoftimi Elektronik me Nr personal I20823122B dhe **Z. Andon Hidersha**, me Nr. Personal I70321070R, me vullnetin tonë të lirë dhe të plotë, bazuar në Ligjin Nr. 9901, datë 14.04.2008 "Për tregtarët dhe shoqëritë tregtare", në Ligjin Nr. 9723, datë 03.05.2007 "Për Qendrën Kombëtare të

---

Biznesit", si dhe në dispozitat përkatëse të Kodit Civil të Republikës së Shqipërisë, hartuam këtë akt, me qëllim për të deklaruar themelimin e shoqërisë me përgjegjësi të kufizuar të së drejtës shqiptare, me emrin **"MASHA EDR" SH.P.K.**

*ATËHERË, duke marrë në konsideratë sa më lart, për të cilat Themeluesit janë dakort dhe nuk kanë pretendime, Themeluesit bien dakort për hartimin dhe përmbajtjen e këtij Akti-Themelimi si më poshtë.*

### **Neni 1**

#### **Forma - Emri - Selia**

- 1.1** Shoqëria tregtare do të jetë e formës "Shoqëri me përgjegjësi të kufizuar" dhe do të ketë emrin **"MASHA EDR" SH.P.K.**
- 1.2** Shoqëria "MASHA EDR" SH.P.K do të ketë selinë në Njësinë nr.pasurie 4/11-N6, Zk.8270, vol.32, faqe 23, Rr. Ibrahim Rugova, Tiranë. Adresa e selisë së shoqërisë do të përcaktohet edhe në statutin e saj dhe mund të ndryshojë në të ardhmen me vendim të organeve vendimmarrëse përkatëse.

### **Neni 2**

#### **Parimet - Kohëzgjatja**

- 2.1** Shoqëria "MASHA EDR" SH.P.K do të jetë dhe do të funksionojë si një shoqëri tregtare, në formën e shoqërisë me përgjegjësi të kufizuar, e pavarur nga Shteti dhe nga institucionet e Shtetit shqiptar dhe/ose partitë politike, si dhe e pavarur nga çdo organizatë apo organizëm tjetër i së drejtës publike apo private.
- 2.2** Shoqëria "MASHA EDR" SH.P.K do të punojë bazuar në parimet e ekonomisë së tregut dhe konkurrencës së ndershme. Funksionimi i shoqërisë "MASHA EDR" SH.P.K, do të funksionojë bazuar në parimin e detyrimit të besnikërisë, në parimin e të drejtës së informimit, në parimin e ndalimit të abuzimit me detyrën dhe formën e shoqërisë, në parimin e ndalimit të konkurrencës së pandershme, në parimin e sekretit tregtar, siç rezultojnë nga dispozitat 14 deri 18 të Ligjit nr. 9901, date 14.04.2008 "Për tregtarët dhe shoqëritë tregtare", në çdo parim tjetër që komandohet nga zakonet dhe marrëdhëniet e mira tregtare, si dhe në Kodin e Drejtimit të Brendshëm të Shoqërive Tregtare (Corporate Governance Code), siç është miratuar me vendimin nr. 1, datë 02.12.2011 të Këshillit Konsultativ të Biznesit.

---

**2.3** Kohëzgjatja e veprimtarisë së shoqërisë "MASHA EDR" SH.P.K do të jetë pa afat të përcaktuar.

**2.4** Veprimtaria e shoqërisë "MASHA EDR" SH.P.K do të bazohet në Kushtetutën e Republikës së Shqipërisë, marrëveshjet ndërkombëtare të ratifikuara nga Republika e Shqipërisë dhe/ose marrëveshjet ndërkombëtare që do të ratifikohen në të ardhmen, legjislacionin e Republikës së Shqipërisë, në veçanti atë për shoqëritë tregtare, në Statutin dhe Akt-Themelimin e saj.

**2.5** Personat që veprojnë në emër të shoqërisë, përpara se kjo të fitojë personalitetin juridik, përgjigjen personalisht në mënyrë të pakufizuar dhe solidare për veprimet e kryera në emër të saj. Me fitimin e personalitetit juridik, Themeluesit, Ortakët, Administratori, si dhe punonjësit e shoqërisë "MASHA EDR" SH.P.K, nuk përgjigjen individualisht/personalisht apo solidarisht për detyrimet e kësaj të fundit ndaj personave të tretë (persona fizikë apo persona juridikë), por mbulojnë personalisht humbjet e shoqërisë deri në pjesën e pashlyer të kontributeve të nënshkuara. Vetëm shoqëria "MASHA EDR" SH.P.K, e pajisur sipas ligjit me personalitetin juridik të nevojshëm, është përgjegjëse për detyrimet e saj ndaj personave të tretë (persona fizikë apo persona juridikë).

**2.6** Themeluesit do të japin kontributet e tyre në shoqëri, në para ose në natyrë, sipas mënyrave dhe afateve të parashikuara në statutin e shoqërisë, si dhe do të kryejnë formalitetet e themelimit sipas kërkesave të Ligjit Nr. 9901, datë 14.04.2008 "Për tregtarët dhe shoqëritë tregtare", të Ligjit Nr. 9723, datë 03.05.2007 "Për Qendrën Kombëtare të Biznesit", si dhe të dispozitave përkatëse të Kodit Civil të Republikës së Shqipërisë.

### **Neni 3**

#### **Objekti i Veprimtarisë**

Shoqëria "MASHA EDR" SH.P.K do të ketë si objekt të veprimtarisë së saj të gjithë aktivitetet e mundshme që nuk ndalohen me ligj, dhe që do të përcaktohen në detaje në statutin e shoqërisë.

### **Neni 4**

#### **Kapitali - Përfaqësimi - Organet e Shoqërisë**

**4.1** Shoqëria do të ketë kapitalin të përcaktuar në statutin e saj, sipas kontributeve të Themeluesve të saj në para dhe/ose në natyrë. Në çdo rast, ky kapital nuk mund të jetë më i vogël se 100 Lekë.

**4.2** Shoqëria do të përfaqësohet sipas rregullave të përcaktuara nga Ligji Nr. 9901, datë 14.04.2008 "Për tregtarët dhe shoqëritë tregtare", si dhe sipas rregullave të statutit.

**4.3** Rregullimi i hollësishëm i çështjeve të organizimit, të funksionimit dhe të veprimtarisë së shoqërisë "MASHA EDR" SH.P.K, parashikohet në statutin e saj, bazuar në Ligjin Nr. 9901, datë 14.04.2008 "Për tregtarët dhe shoqëritë tregtare".

Hartuar, më datë 04.11.2020, në Tiranë ,në 2 (dy) kopje origjinale në gjuhën shqipe secila me të njëjtën vlerë juridike.

**THEMELUESIT E SHOQËRISË  
'MASHA EDR" SH.P.K**

**Shoqëria "M.I.A" SH.P.K**

**Z. Florjan MUMAJESI**



**Z. Andon HIDERSHA**